

**Uunga siunnersuut: Aalisarneq pillugu Inatsisartut inatsisaata allanngartinnera pillugu
Inatsisartut inatsisaat nr. xx, xx.xxx 2016-imeersoq**
(Aalisarsinnaanermut akuersissutinik tunniussisarnerup allaffissornikkut aqunneqarnerata
kommunalbestyrelsinut nuunneqarnissaa pillugu aalajangersakkamik eqqussineq)

Aalisarnermut, Piniarnermut Nunalerinermullu Naalakkersuisoq

pillugu

Aalisarnermut, Piniarnermut Nunalerinermullu Ataatsimiititaliap

siunnersuutip aappassaaneerpeqarneranut

ISUMALIUTISSIISUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Karl-Kristian Kruse, Siumut, siulittaasoq
Inatsisartunut ilaasortaq Michael Rosing, Demokraatit, siulittaasup tullia
Inatsisartunut ilaasortaq Jess Svane, Siumut
Inatsisartunut ilaasortaq Ane Hansen, Inuit Ataqtigiit,
Inatsisartunut ilaasortaq Villy Olsvig, Inuit Ataqtigiit
Inatsisartunut ilaasortaq Hans Aronsen, Inuit Ataqtigiit
Inatsisartunut ilaasortaq Henrik Fleischer, Partii Naleraq

Ulloq 27. september siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Naalakkersuisut erseqqinnerusunik maleruagassiornermikkut aalisarsinnaanermut akuersissutinik tunniussisarnerup allaffissornikkut aqunneqarnerata kommunalbestyrelsinut isumagineqarnissaanik peqqusisinnaalernissaasa periarfissinneqarnissaa siunnersuutikkut siunertarineqarpoq.

Siunnersuutip Inatsisartunit siullermeerneqarnera

Siunnersuut tamakkiisuunngikkaluartumik amerlanernilli akuersaarneqarluni Aalisarnermut, Piniarnermut Nunalerinermullu Ataatsimiititaliamit suliarineqartussanngorlugu innersuunneqarpoq.

Tusarniaanermut akissutit

Siunnersuut 2016-imi 2. juunimit 1. juulimut tusarniutigineqarpoq.

Inatsisartut Siulittaasoqarfiata ilusiliinermut piunasaqaatai naapertorlugit tusarniaanermut akissutit siunnersuutip nalunaarutigineqarneranut atatillugu siunnersuummut ilanngullugit nassiuunneqartarnissaat eqqaasitsissutigissallugu ataatsimiititaliaq aallarniutigalugu tunngavissaqarsoraq.

Tamatuma saniatigut ataatsimut isigalugu ataatsimiititaliaq isumaqarpoq tusarniaanermut akissutit nalinginnaasumik nassuiaatini (kap. 8) unneqqarissumik nassuiaatigineqartut, illuatungaaticullu ataasiakkaat eqqaassanngikkaanni tusarniaanermut akissutit isummerfigineqaratik. Tamannalu siunnersuutip saqqummiunneqarnissaa sioqqullugu isumaliutigineqartut annertussusiannut atasutut isigineqarsinnaagunarpoq, soorluttaaq ulloq 26. september 2016-imi iluarsiiisuteqarnerup kingunerisaanik nalinginnaasumik nassuiaatit iluarsineqarsimangitsut. Iluarsiiisuteqarnikkut naammagittaalliorsinnaaneq aammalu siunnersuutip aningaasaqarnikkut kingunerisassai pillugit erseqqissaatit arlallit tusarniaanermut akissutit nassuiaatini allaaserineqarneranni (kap. 8) ilanngunneqarsimappata pitsaasimassagaluarpoq.

Tusarniaanermut akissutinut tunngatillugu ataatsimiititaliaq isumaqarpoq tusarniaanermut akissutit pisuni marlunni peqqissaarnerusumik ilanngunneqarsimasinnaagaluartut ilanngunneqarsimasariaqartullu:

- Nalinginnaasumik nassuiaatit naapertorlugit Aningaasaqarnermut Naalakkersuisoqarfimmit ”naggasiutigalugu oqaatigineqarpoq inatsisissatut siunnersuummi angallatit meterit 6-nik angissusillit mikinerillu kisimik pineqarmata”. Tamanna eqqoraluarpoq, ataatsimiititaliilli paasinninnera malillugu oqaatiginninnerinnaavoq, tamatumalu kingorna taanna Aningaasaqarnermut Naalakkersuisoqarfiup oqariartuutiginiakkaminut tunngavilersuutigaa, tassalu: ”*Taamaammat aalisarnermut akuerissutinik tunniussisarnerup ilaannakortumik tunniunneqarneratigut, pisortat allaffissornerisa eqaannerulerumaarnerat inerniliutissallugu ajornakusoortoq AN isumaqarpoq. Tamannalu minnerunngitsumik aningaasatigut allaffissornikkullu kinguneqaatissat naatsorsorneqarnerisa amigaaateqarnerannik patsiseqarpoq*”.
- Nalinginnaasumik nassuiaatit naapertorlugit Kalaallit Nunaanni Politiit ”assersuuteqarput, tassalu pisassiissutaasut saniasigut qilalukkamik qernertamik pisaqartoqarsimasoq [...]”. Tamanna eqqoraluarpoq, ataatsimiititaliilli isumaa malillugu qilalukkanik qernertanik piniarnermi ”kommunip akuersissutinik aqutsineranit misilittakkat”-nut assersuutitut tamatuma atorneqarnera nassuiaatini erseqqinnerusumik allassimasariaqaraluarpoq.

Tusarniaarnermut akissutit ataatsimut isigalugit ataatsimiititaliamit naggasiullugu oqaatigiumaneqarpoq Aalisarnermut, Piniarnermut Nunalerinermullu Naalackersuisoqarfik ima iliuseqarsimagaluarpit pitsaassagaluartoq:

- Tusarniaanermi atortut Kalaallit Nunaanni Aalisarsinnaanermut Akuersissutinik Nakkutilliisoqarfimmut (KANUAANA) toqqaannartumik nassiussimasinnaagai. Tassunga ilanngullugu KANUAANA aaqqissugaanermigut Aningaasaqarnermut Naalackersuisoqarfiup ataani inissisimammat, taamaattumillu tusarniaanermi atortut taanna aqutigalugu KANUAANA-mut ingerlateqqinneqarnissaat ilimagineqarsinnaasoq ataatsimiititaliamit ilisimaneqarpoq. Siunnersuutilli imarisaa eqqarsaatigalugu, tamatumalu saniatigut Naalackersuisoqarfiup KANUAANA-llu akornanni suliatigut attuumassuteqaatigiinneq ilimagineqartariaqarmat Naalackersuisoqarfiup KANUAANA toqqaannartumik attaveqarfigisimasuuppagu naapertuussimassagaluartoq ataatsimiititaliaq isumaqarpoq¹.
- Aalisarsinnaanermut akuersissutinik tunniussisarnermut atatillugu oqartussaaffiup agguataarneqarnerata allanngortinneqarnissaanik siunnersuut kommuninit sisamaasunit pingasut taperseraat oqaatigisimasuuppagu. Isiginiagassaq pingaarutilik ataatsimiititaliallu isumaa malillugu Naalackersuisoqarfiup erseqqissaatigissallugu soqutigisimasassaralua.
- Oqartussat kattuffiillu oqaaseqaateqanngitsut allatorneqarnerannut taarsiullugu oqartussat kattuffiillu tusarniaanermut arlaatigut qisuariaateqartut nalunaarsorsimasuuppagit. Tamanna suliassaqarfiup iluani maannamut peruserineqartumut naapertuutiinnarani aammali tusarniaanerup inernerata paasilertorneqarnerunissaanut iluaqutaassagaluarpog, taamaalillunilu ataatsimiititaliap sulineranut ikorfartuutaalluni. Tassungalu ilanngullugu ataatsimiititaliap erseqqissaatigissavaa manna tikillugu peruserineqartoq missingiinertaqarmat, missingiinerlu taanna pineqartumi matumani kukkuneqartoq paasineqarluni (tak. Qaasuitsup Kommuneata tusarniaanermut akissutaa²).

Apeqqutit

Siunnersuummik sularinninnermini atugassamisut apeqqutit arlallit akissuteqarfigeqqullugit ataatsimiititaliap Aalisarnermut, Piniarnermut Nunalerinermullu Naalackersuisoq qinnuigaa.

¹ Tamatuma kingorna Naalackersuisut paasissutissiipput: ”Siunnersuut KANUAANA-mi tusarniutigineqarsimannigilaq, pissutigalugu KANUAANA qarasaasiakkut atortup ineriartortinneranut alisarnermullu akuersissutinik tunniussisarnerup kommuninut tunniunnarneqarneranut suliarmut peqataammatt”.

² Taamaalilluni Qaasuitsup Kommuneata tusarniaanermut akissutaa oqaaseqaammik imaattumik imaqarpoq: ”Matumuuna Piniarnermut Aalisarnermullu Ataatsimiititaliami siulittaasoq nalunaarpoq, aalisarnermut allagartalersuineq eqqarsaatigalugu kommunit pisinnaatitaaffeqarnerulernissaat pillugu siunnersuut taperserineqartoq”.

Ataatsimiititaliap apeqqutaasa taakkulu akissutaasa assilinerat isumaliutissiisummut ilanngussaq 1.1 / 1.2-tut ilanngunneqarput.

Saaffiginnissutit

Siunnersuummik suliarinninnerminut atatillugu ulloq 21. oktober 2016-imi Kommune Kujallermit saaffiginnissut ataatsimiititaliap tiguaa. Saaffiginnissutip assilinerat isumaliutissiisummut uunga ilanngussaq 2-tut ilanngunneqarpoq. Paatsuungasoqaqqunagu oqaatigineqassaaq saaffiginnissut danskisuinnaq tiguneqarsimammat.

Siunnersuutip ilusiligaanera

Inatsisinik ilusiliisarnermi najoqqutarisassat naapertorlugit piginnaatitsineq pillugu aalajangersagaq – piginnaatitsissut allaffissornermik aqutsinermut tunniunneqartillugu – sapinngisamik erseqqissumik oqaasertaliorneqarsimassaaq, soorlutaaq siunnersuut inatsisitigut tunngavissap annertussusia atuuffissaatullu eqqarsaatigineqartoq pillugit nassuiaatinik sukumiisunik imaqartariaqartoq.

Tamatumunnga atatillugu siunnersuummut nassuiaatit ataatsimiititaliap naliliinera malillugu naammattumik erseqqissuseqanngillat, taamaattumillu siunnersuutip annertussusia, tassungalu ilanngullugu atuuffissaatut eqqarsaatigineqartoq erseqqinnerusumik nassuiaatigeqqullugit Naalakkersuisut qinnuiginissaannut ataatsimiititaliaq tunngavissaqarsimalluni. Tassunga atatillugu Naalakkersuisut ima allapput:

”Aalajangersakkamut tunngaviusoq ima siammasitsigaaq, allaat aalisarsinnaanermut akuersissuteqarnissamut allaffissorneq kommunalbestyrelsinut tamakkiisumik tunniunneqarsinnaalluni. Aalajangersakkamut tunngaviusup siunertaa tassaavoq, kommunalbestyrelsi aalisarsinnaanermut akuersissuteqarnissamut, akuersissutit assigiinngitsut tamakkerlugit, allaffissornermik suliakkerneqarsinnaasooq. Aalisarneq pillugu inatsimmi § 14, imm. 1 naapertorlugu akuersissutit assigiinngitsut sisamaapput. Kommunalbestyrelsit aalajangersakkamut tunngaviusoq naapertorlugu aalisarnermut akuersissutinik assigiinngitsunik sisamanik tamanik tunniussinissamut allaffissorneranik suliarinnittussanngortinneqarsinnaapput. Taamaakkaluartoq aalajangersakkamut tunngaviusup nassuiaataani allassimasooq malillugu, kommunalbestyrelsi aalisarsinnaanermut akuersissuteqarnissamut allaffissornermik suliakkerneqarsimassappat Aalisarnermut, Piniarnermut Nunalerinermullu Naalakkersuisoqarfik naammagittaalliorfigineqarsinnaasutut inississaaq.

Aalajangersakkamut tunngaviusumut atatillugu kommunalbestyrelsit aalisarnermut akuersissutinik assigiinngitsunik sisamanik tamanik tunniussinissamut allaffissorneranik suliarinnittussanngortinneqarsinnaagaluarpataluunniit, Aalisarnermut, Piniarnermut Nunalerinermullu Naalakkersuisoqarfimmit atugassatut siunertarineqartoq kommunit ataasiakkaat innuttaasunut sullissiviini innuttaasut

aalisarnermut akuersissummik qinnuteqarsinnaaniassammata qarasaasiatigut atortoq ineriartortitassamut killeqarpoq. Aammattaaq qarasaasiatigut atortoq taamaallaat angallatinut 6 meterinik naannerusumilluunniit takissusilinnut aalisarnermut akuersissutinut qinnuteqaatinut atuuttussatut killeqarpoq.”

Taamaalilluni siuliani allassimasut naapertorlugit siunnersuutip ilusiligaanera inatsisunik ilusiliisarnermi najoqqutarisassanut naapertuussorinarpoq, taamaattumillu tassunga atatillugu annertunerusumik oqaaseqaateqarnissamut ataatsimiititaliaq pissutissaqarnani.

Ataatsimiititaliap siunnersuummik suliarinninnera

Siunnersuut, tassungalu ilanngullugit ataatsimiititaliap allakkatigut apeqqutaanut akissut aammalu Kommune Kujalliup saaffiginnissutaa ataatsimiititaliamit misissorneqarput, taakkulu pillugit ima naatsumik oqaaseqassalluni:

- Nalinginnaasumik nassuiaatit naapertorlugit siunnersuut innuttaasut qaninnerusumik pitsaanerusumillu kiffartuunneqalernerisa saniatigut sulianik pitsaanerusumik pisariinnerusumillu ingerlatsinermut, tassungalu ilanngullugu piffissap sulianik ingerlatsinermut atorneqartup sivikinnerulerneranut peqataaqataassasoq ilimagineqarpoq. Tassunga atatillugu ataatsimiititaliamit siullertut oqaatigineqassaaq, siunnersuut una apeqqutaatinnagu, akuersissutinik tunniussinermut atatillugu sulisunik aningaasanillu atuineq allannguuteqarfiussanngitsoq naatsorsuutigineqarmat, aappaatullu aningaasat sulisullu ikinnerit atorlugit suliaq kommuninit ingerlanneqarsinnaassasoq kimilluunniit (tassunga ilanngullugu kommuninit) oqaatigineqanngimmat. Qinnuteqarnerli pisariinnerusutut innuttaasunut misinnassaaq, tassa qarasaasiakkut qinnuteqarsinnaanermik periarfissamik pilersitsinikkut qinnuteqaatip, tassungalu ilanngullugu akuersissummik tunniussinissap erngertumik suliarineqarnissaa periarfissinneqassamat, tassa tamatumunnga piumasqaatit naammassineqarsimappata.
- Nalinginnaasumik nassuiaatit naapertorlugit aalisarsinnaanermut akuersissutinik tunniussisarnerup siunissami kommunalbestyrelsinut tunniunneqarnissaa siunnersuutikkut periarfissinneqassaaq. Tunniussisoqassappat tamatuma qanorpiaq annertussuseqarnissaa imaqarnissaalu suli ilusilersorneqanngitsut nassuiaatini piffinni arlalinni allassimagaluartoq aalajangersakkap annertussusissaa atuuffissaatullu eqqarsaatigineqartup erseqqinnerusumik killilerneqarnerannik nassuiaatit imaqanngillat. Taamaalillunilu oqartussaaffiup tamakkiisup tunniunneqarnissaa aningaasaqarnikkut kingunerisassat nassuiaatigineqarneranni aamma aallaavigineqarpoq. Angallatinulli meterit 6-inik angissusilinnut mikinernulluunniit akuersissutinik qinnuteqarnermut aalajangersagaq *taamaallaat* atorneqartussatut eqqarsaatigineqarmat ataatsimiititaliamit oqaatigineqassaaq (tak. siunnersuutip ilusiligaanera pillugu immikkoortoq siuliani allassimasoq).

- Saqqummiussissut naapertorlugu siunertaavoq ”*aalisarsinnaanermut akuersissutininik tunniussisarnerup aqunneqarnerata kommuninit isumagineqarnerulernissaa*”, tamatumani siullertut qarasaasiatigut atortut ineriartortinneqassallutik. Taamaalilluni qarasaasiatigut atortoqalernerup suliniutinik allanik malitseqartinneqarumaarneranik saqqummiussissut aamma naatsorsuuteqalersitsisinnaavoq. Ataatsimiititaliamilli oqaatigineqarsinnaavoq ataatsimiititaliap allakkatigut apeqqutaanut akissummi allassimammatt qarasaasiatigut atortulersuinissaq suliniummi iliuusissat siullersaralugulu *kingullersarigaat*, tassa suliniutinik allanik pilersaaruteqartoqanngikkallarmat.
- Nalinginnaasumik nassuiaatit naapertorlugit tunniussinissap ilusilersornissaata saniatigut maleruagassat erseqqinnerusut aalajangersarneqartariaqassapput. Taamaalilluni siunnersuut ilaatigut aalisarnermut inatsit pillugu sulianut ingerlasunut naapertuunnersoq kiisalu assersuutigalugu ataatsimoortumik tapiissutit aqutigalugit imaluunniit akuersissutininik tunniussinermut atatillugu akiliuteqartitsinissamut kommunit periarfissinnerisigut siunnersuut kommuninut aningaasatigut taarsiisuteqarnermik nassataqassanersoq nassuiaatini isummerfigineqanngilaq. Taamatuttaaq oqartussaaffimmik kommuninut tunniussineq, tassungalu ilanngullugu qarasaasiakkut qinnuteqarsinnaalernerq akuersissutit tunniunneqartut amerlassusiannut qanoq sunniuteqartussatut naatsorsuutigineqarnersut aammalu taamaattoqassappat tamanna aalisarnermi aningaasaqarnermut uumasoaqassutsikkullu piujuaannartitsinermik tunngaveqarnermut qanoq sunniuteqassanersoq nassuiaatini nassuiaatigineqanngillat.

Siuliani allassimasut tunngavigalugit ataatsimiititaliaq ataatsimut isigalugu isumaqarpoq nalinginnaasumik nassuiaatini immikkoortoqartoq ataatsimiititaliap isumaa malillugu qaffasinnerusumik pitsaassuseqarsinnaagaluanik. Tassunga ilanngullugu inatsisip paasineqarnissaanut nassuiarneqarnissaanullu nalinginnaasumik nassuiaatit ilapittuutaanissaat siunertaammatt ataatsimiititaliamit eqqaasitsissutigineqassaaq, taamaaliornikkullu Inatsisartut paasissutissanik tunngavissaqarlutik aalajangiisinaanissaat qulakkeerneqartussaammatt. Tassunga atatillugu siunnersuutip siunertarisaa, imarisaa kingunerisassaalu Naalakkersuisunit sukumiinerusumik nassuiarneqarsinnaagaluartut nassuiarneqartussaagaluartullu ataatsimiititaliaq isumaqarpoq.

Siunnersuutip aningaasaqarnikkut kingunerisassai

Aalisarsinnaanermut akuersissutininik tunniussisarnerup siunissami Aalisarnermut, Piniarnermut Nunalerinermullu Naalakkersuisoqarfimmit kommunalbestyrelsinut tunniunneqarsinnaanera siunnersuutip kingunerissavaa. Tassunga ilanngullugu kommunalbestyrelsinut tamakkiisumik tunniussineq Naalakkersuisoqarfimmi sulisunik aningaasanillu atuinerup ukioq naallugu sulisorisat pingasunik ikilinerannik (1-1,5 mio. kr.) nassataqartussatut naatsorsuutigineqarpoq, akerlianilli kommunit sulisunik aningaasanillu atuinerat taamaaqataanik ukioq naallugu sulisorisat pingasunik ilanerannik kinguneqartussatut

naatsorsuutigineqarluni. Saqqummiussissulli naapertorlugu qaffariaat kommuninut sisamaasunut agguataarneqassaaq, taamaattumillu kommunini ataasiakkaani sulisunik aningaasanillu atuinerup qaffariaataa ukioq naallugu sulisorisaq ataaseq ataallugu annertussuseqassasoq missingerneqarluni – taamaattumillu kommunini sulianik ingerlatsisunik amerlanernik pisariaqartitsilerneramik nassataqarnissaa aamma naatsorsuutigineqarnani.

Siunnersuutilli aningaasaqarnikkut kingunerisassai naammattumik nassuiarneqarsorinangillat. Taamaalilluni nalinginnaasumik nassuiaatit naapertorlugit Naalackersuisoqarfimmi ukioq naallugu sulisorisanut pingasunut aningaasartuutit taamaallaat 1,2 mi o. kr.-iusussatut oqaatigineqarput, tassa sulisunut aningaasatigullu annerpaamik sipaarutissatut naatsorsuutigineqartunit 300.000 kr.-inik ikinnerullutik. Aammattaaq saqqummiussissut ataatsimiititaliallu allakkatigut apeqqutaanut akissut naapertorlugit Naalackersuisoqarfik naammagittaalliorfigineqarsinnaasutut atuunnermi saniatigut immikkut akuerineqarnissamik qinnuteqaatinik suli suliarinnittassaaq. Kingullertut taaneqartumut atatillugu tamatuma sulisunik aningaasanillu atuinerup tamarmiusup 10 pct.-iata missaanik, 100-150.000 kr.-inik naleqartunik, aningaasartuuteqarnermik nassataqarnissaa naatsorsuutigineqarpoq. Aammattaaq siunnersuutip atuuffissaa naapertorlugu *tamakkiisumik* tunniussinissaq pineqanngilaq, akerlianilli taamaallaat pineqarluni aqutsinermut oqartussaaffiup *ilaannakuusumik* tunniunneqarnissaa, tamannalu aningaasaqarnikkut kingunerisassat nassuiaatigineqarneranni erseqqinnerusumik allassimasinnaagaluarpoq allassimasariaqaraluarlunilu, tamatumalu peqatigisaanik allassimasariaqaraluarpoq oqartussaaffimmik tunniussineq *sipaaruteqarnermik* nassataqartussatut naatsorsuutigineqanngitsoq, akerlianilli Naalackersuisoqarfimmi sulisunik aningaasanillu *nuusisoqassalluni*, tassa sulisut aningaasallu pissarsiarineqartut allatut atorneqaannartussaammata.

Sulisut aningaasallu kommunini atugassat eqqarsaatigalugit Naalackersuisut tamatuma kingorna paasissutissiissutigaat sulisut aningaasallu kommunit akornanni assigiimmik imaanngimmat agguataarneqassasut, taamaattumillu kommunit ilaat allanut sanilliullutik sulisunik aningaasanillu amerlanerusunik atuisariaqarsinnaallutik. Taamaakkaluartoq akuersissutinik tunniussisarnermi sulisutigut aningaasatigullu atortakkat ullumikkornit annertunerunnginnissaat naatsorsuutigineqarpoq.

Tamatuma saniatigut siunnersuut 1,3 mio. kr.-it missaannik akeqartussatut missingerneqartumik qarasaasiatigut atortulersuinissamik nassataqassasoq oqaatigineqarpoq, taakkunanit 920.000 kr.-it digitalimik sullissinermut aqutsisoqarfimmit akilerneqassallutik aammalu 380.000 kr.-it Aalisarnermut, Piniarnermut Nunalerinermullu Naalackersuisoqarfimmut aningaasaliissutinit akilerneqassallutik. Qarasaasiakkut atortulersuutinik kingorna ingerlatsinermut aserfallatsaaliinermullu aningaasartuutit Naalackersuisoqarfimmit isumagineqassapput.

Ataatsimiititaliap inassuteqaatai

Ataatsimiititaliap isumaqatigiittup taama oqaasertaliigallaruni **siunnersuut**
akuerisassanngortillugu inassutigaa.

Ataatsimiititaliap kaammattuutigissavaa pingajussaarineq sioqqullugu siunnersuut
ataatsimiititaliamit nutaamik suliareqqitassanngorlugu innersuussutigineqassasoq.

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Karl-Kristian Kruse
Siulittaasoq



Michael Rosing
Siulittaasup tullia


Ane Hansen



Jess Svane



Villy Olsvig



Hans Aronsen



Henrik Fleischer



**Aalisarnermut, Piniarnermut Nunalerinermullu
Naalakkersaq Nikolaj Jeremiassen
/MAANI**

Ulloq: 4. oktober 2016

J.nr.: 01.36.01.03-00067

**Allakkatigut apeqqutit: Aalisarnerq pillugu inatsisip allanngortinneqarnissaanik
Inatsisartut inatsisissaattut siunnersuut (UKA 2016/123).**

Aalisarnerq pillugu inatsisip allanngortinneqarnissaanik Inatsisartut inatsisissaattut siunnersuummik Aalisarnermut, Piniarnermut Nunalerinermullu ataatsimiititaliap suliaqarnerminut atatillugu apeqqutit ataaniittut Aalisarnermut, Piniarnermut Nunalerinermullu Naalakkersuisumit allakkatigut akineqarnissaat qinnutigaa.

Aalisarsinnaanermut akuersissutinik suliaqartarnermi allaffissornikkut aqutsinerup (inatsisitigut tunngaveqarluni) kommuninut nuunneqarsinnaanerata periarfissarsiuunnissaa siunertarineqarluni siunnersuut saqqummiunneqarpoq. Taamaattorli allaffissornikkut piginnaatitsinerup tigussaasumik qanoq atortussanngortinneqarsinnaanera naatsorsuutigineqarnerseq pillugu siunnersuut ikittuinnarnik paasissutissartaqarpoq, taamaattumillu siunnersuummut ataatsimiititaliap ingerlaannaq isummernissani aamma ajornakusoortippaa.

Tamatuma malitsigisaanik apeqqutit uku saqqummiutissallugit ataatsimiititaliap pissutissaqarpoq:

1. Naalakkersuisut Inatsisileriffiaata inatsisinut teknikikkut najoqqutassiaani (Lovtekniske retningslinier) ima allassimasoqarpoq: *"Allaffisornikkut aqutsinermut piginnaatitsisoqartillugu, piginnaatitsinermut aalajangersagartaa sapinngisaq malillugu sukumiilluinnartumik oqaasertalerneqassaaq, taamatuttaaq piginnaatitsinerup siamasissusia pillugu aamma atuuffigeratarfissaatut eqqarsaataasoq pillugu naammatumik oqaasertaliussanik siunnersuut imaqaassalluni"*.¹ Naalakkersuisut qinnuigineqarput, tunngavissiap siamasissusia aamma atuuffigeratarfissaatut eqqarsaataasoq pillugu nassuiaassasut.
2. Saqqummiussissut malillugu aalisarsinnaanermut akuersissutinik suliaqartarnermi allaffissornikkut aqutsineq immikkoortukkaartumik kommuninut tunniussisoqartassaaq. Tamanna tunngavigalugu Naalakkersuisut tunniussinissap

¹ Pisortatiguunngitsumik Inatsisartut Nutserisoqarfiani nutserisunit nutserneqartoq. Pisortatigoortumik oqaasertai imaapput: *"I det omfang, der gives bemyndigelser til administrationen, bør selve bemyndigelsesbestemmelsen være formuleret så præcist som muligt, ligesom forslaget skal indeholde fyldestgørende bemærkninger om hjemmelens rækkevidde og evt. påtænkte anvendelse"*.

ingerlanneqarnissaa pillugu sukumiinerusumik nassuiaaqquneqarput, tassani takuneqarsinnaassallutik immikkoortukkaat ataasiakkaat, piffissaliunneqartoq, suliap ingerlanerani immikkoortukkaani angusarineqaratarsinnaasut/killiffioratarsinnaasut, akissaajaatit il.il.

3. Apeqqutip aappaata malitsigisaanik oqaasertaliussat uku qanorpiaq paasineqassanersut pillugit Naalakkersuisut nassuiaaqquneqarput: *“Siunnersuut aqqutigalugu ukiup nikinnerani tunniussinerup sunniuteqalernissaa Naalakkersuisunit ilimagineqarpoq, taamaalilluni siunnersuut 1. januar 2017 piviusunngortillugu.”* Tamatumani aamma isiginiarneqarpoq nassuiaatini nalinginnaasuni taaneqarmat, kommuninut tunniussinissamut malittarisassanik sukumiinerusunik oqaasertaliinerit ilusiliinissarlu suli amigaatigineqartut.
4. Nassuiaatit nalinginnaasut malillugit qarasaasiakkt aqqissuussinerit ineriartortinnissaanut ataasiartamik aningaasartuuteqartoqassaaq 1,3 mio. kr.-t missaasa nalinganut. Tamatumunnga atatillugu Naalakkersuisunit paasissutissiissutigeqquneqarpoq: (a) kingornatigut atortuutit ingerlannissaannut aserfallatsaaliornissaannullu aningaasartuutit annertussusissaat, (b) kingornatigut ingerlannissaannut aserfallatsaaliornissaannullu aningaasartuutit kiap akilertassavai, (c) atortuutit ineriartortinnerinut, ingerlannerinut aserfallatsaaliinernulluunniit missingersuutininik qaangeeratarsinnaanerit qanoq akilerneqartassanersut, aamma (d) atortuutit ineriartortinnerisa naammassineqarnissaat atulerneqarnerallu qaqugu naatsorsuutigineqarsinnaanersoq.
5. Apeqqutit sisamaata malitsigisaanik Naalakkersuisunit paasissutissiissutigeqquneqarpoq, qarasaasiakkt aqqissuussinerit ineriartortinneqarnerannut siunnersuutip uumma akuerineqarnera apeqqutaatinneqassanersoq – tassungalu atatillugu aqqissuussinerit sunniuteqarluarnissaat naatsorsuutigineqarpat qitiusumik aqutsisoqarfimmi qarasaasiakkt aqqissuussinerit sutigut tamatigut iluaqutaasumik ineriartortinneqarsinnaanersut atortuulersinneqarsinnaanersullu, ilanngullugulu nukissanik sipaaruteqarsinnaanermut periarfissaqarsinnaaneq.
6. Nassuiaatit nalinginnaasut malillugit kommuninut tamakkiisumik tunniussinissaq sulisunik atuinermik appariafiussaaq, tamannalu 1-1,5 mio. kr.-t missaani naleqarnissaanik kinguneqassangatinneqarpoq. Tamanna tunngavigalugu Naalakkersuisunit nassuiaatigeqquneqarpoq, sipaaruteqarnissamut taamatut naatsorsuuteqarnermi Naalakkersuisoqarfiup naammagittaalliorfigineqarsinnaasutut inissinneqarnissaanik oqariartuuteqarnermut qanoq naapertuutsiginersoq, kiisalu akuersissutip ingerlaannaq naammassineqarsinnaannginnerani (imaakkunarmat) akuersissutinik qinnuteqaatit suli suliarineqarsinnaasasut.
7. Naalakkersuisunit paasissutissiissutigeqquneqarpoq, kommuninut tamakkiisumik nuussineq Naalakkersuisoqarfimmi sulisunut aalisarsinnaanermut akuersissutinik suliaqartarnermi sulianik maanna ingerlatsisuusartunut sunik sunniuteqassanersoq.
8. Nassuiaatit nalinginnaasut malillugit kommuninut tamakkiisumik tunniussinissap kommunimi sulisut amerleriarnissaannik kinguneqarnissaa naatsorsuutigineqarpoq, tamannalu sulisut pingasut ukiumut sulisinneqarnissaanik nalilik kommuninut naligiimmik agguarneqarnissaa naatsorsuutigineqarpoq. Tassunga atatillugu nunap

siamasissusia isiginiassagaanni kiisalu Qeqqata Kommunianit aamma Kommuneqarfik Sermersuumit tusarniaanermi akissutit naapertorlugit Naalakkersuisunit paasissutissiissutigeqquneqarpoq, sulisunik atuinissap sooq naligiimmik agguarneqarnissaa naatsorsuutigineqarersoq.

9. Nassuiaatit nalinginnaasut malillugit kommuninut tamakkiisumik tunniussineq kommunini sulianik ingerlatsisut amerlanerusut atorfinitsinneqarnissaannik kinguneqassasoq naatsorsuutigineqanngilaq. Naalakkersuisunit nassuiaatigeqquneqarpoq, tamanna Qeqqata Kommunianit tusarniaanermi akissummut qanoq naapertuunnersoq, tassanimi kommuni naliliimmat, suliassaq *“sulisumik (sulisunik amerlanerusunik)”* pisariaqartitsiffiulersinnaasoq.
10. Kalaallit Nunaanni Politiinit tusarniaanermi akissut naapertorlugu, kommunip akuersissutinik (assersuutigalugu qilalukkanut qernertanut) aqutsineranit misilittakkat takutissimavaat, akuttunngitsumik pisassiissutit qaangerneqartarnerat, akuersissutimmi pisassiissutinit amerlanerusut tunniunneqartarmata – peqatigitillugulu piffissaatillugu piniarnerup unitsinneqarnera nalunaarutigineqartarani. Naalakkersuisunit nassuiaatigeqquneqarpoq, kommuninut aalisarsinnaanermut akuersissutit aqunneqarnerisa tunniunneqarnerinut atatillugu unammilligassat assingusut pilinnginnissaanut Naalakkersuisut qanoq pitsaaliuilersaarnersut.
11. Naalakkersuisunit paasissutissiissutigeqquneqarpoq, siunnersuut Kalaallit Nunaanni Aalisarsinnaanermut Akuersissutinik Nakkutilliisoqarfimmu (KANUAANA-mut) sooq tusarniaassutigeqqarsimarpasinnginnerasoq – tassungalu atatillugu siunnersuut pillugu KANUAANA arlaatigut oqaloqatigeqqarsimanersoq, tamannalu qanoq inerniliiffineqarsimanersoq.

Qulaani apeqqutinut (kalaallisut/danskisut) allakkatigut akissutit ataatsimiititaliap allattaanut (gimsing@ina.gl) kingusinnerpaamik ull. 19. oktober 2016 qarasaasiakkut nassuteqquneqarput.

Piffissaliussap ingerlanerani qulaani apeqqutit tamakkiisumik akineqarsinnaannginnerat Naalakkersuisut nalilerpassuk, tamanna piaarnerpaamik Naalakkersuisunit ataatsimiititaliamut nalunaarutigeqquneqarpoq. Tamatuma kingorna immikkoortup suliareqarnerata nangeqqinneqarnissaa pillugu ataatsimiititaliaq aalajangiissaaq, tassungalu atatillugu immikkoortup tulliani katersuunnissamut kinguarteratarsinnaanera pillugu, taamaalillutik Naalakkersuisut paasissutissat ugartorneqartut pissarsiariniarsinnaassammatigit.

Qujareerluta.

Inussiarnersumik


Karl-Kristian Kruse

Ataatsimiititaliami siulittaasoq.



Aalisarnermut. Piniarnermut Nunalerinermullu Ataatsimiititaliaq
v/ Ataatsimiititaliami siulittaasoq Karl-Kristian Kruse
/MAANI

Ilanngussaq
Bilag 1.2

Imm. 123 pillugu ataatsimiititaliamit apeqqummut akissut

Ataatsimiititaliap imm. 123-mik suliarinninnerannut atatillugu ataatsimiititaliaq arlalinnik apeqquteqarpoq. Ataatsimiititaliap apeqqutai akissutikkalu tulliupput:

10-10-2016
Suliap nr. 2015-16916
All. nr. 3172173

1. *Naalakkersuisut Inatsileriffiaata inatsisinut teknikkkut najoqqutassiaani (Lovtekniske retningslinier) ima allassimasoqarpoq: "Allaffisornikkut aqutsinermut piginnaatitsisoqartillugu, piginnaatitsinermut aalajangersagartaa sapinngisaq malillugu sukumiilluinnartumik oqaasertalerneqassaaq, taamatuttaaq piginnaatitsinerup siamasissusia pillugu aamma atuuffigeratarfissaatut eqqarsaataasoq pillugu naammatumik oqaasertaliussanik siunnersuut imaqassalluni". Naalakkersuisut qinnuigineqarput, tunngavissiap siamasissusia aamma atuuffigeratarfissaatut eqqarsaataasoq pillugu nassuiaassasut.*

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1-imut. Aalajangersakkamut tunngaviusoq ima siammasitsigaaq, allaat aalisarsinnaanermut akuersissuteqarnissamut allaffissorneq kommunalbestyrelsinut tamakkiisumik tunniunneqarsinnaalluni. Aalajangersakkamut tunngaviusup siunertaa tassaavoq, kommunalbestyrelsi aalisarsinnaanermut akuersissuteqarnissamut, akuersissutit assigiinngitsut tamakkerlugit, allaffissornermik suliakkerneqarsinnaasoq. Aalisarneq pillugu inatsimmi § 14, imm. 1 naapertorlugu akuersissutit assigiinngitsut sisamaapput. Kommunalbestyrelsit aalajangersakkamut tunngaviusoq naapertorlugu aalisarnermut akuersissutinik assigiinngitsunik sisamanik tamanik tunniussinissamut allaffissorneranik suliarinnittussanngortinneqarsinnaapput. Taamaakkaluartoq aalajangersakkamut tunngaviusup nassuiaataani allassimasoq malillugu, kommunalbestyrelsi aalisarsinnaanermut akuersissuteqarnissamut allaffissornermik suliakkerneqarsimassappat Aalisarnermut, Piniarnermut Nunalerinermullu Naalakkersuisoqarfik naammagittaalliorfigineqarsinnaasutut inississaaq. Aalajangersakkamut tunngaviusumut atatillugu kommunalbestyrelsit aalisarnermut akuersissutinik assigiinngitsunik sisamanik tamanik

tunniussinissamut allaffissorneranik
suliarinnittussanngortinneqarsinnaagaluarpataluunniit, Aalisarnermut,
Piniarnermut Nunalerinermullu Naalackersuisoqarfimmit atugassatut
siunertarineqartoq kommunit ataasiakkaat innuttaasunut sullissiviini innuttaasut
aalisarnermut akuersissummik qinnuteqarsinnaaniassammata qarasaasiatigut
atortoq ineriartortitassamut killeqarpoq. Aammattaaq qarasaasiatigut atortoq
taamaallaat angallatinut 6 meterinik naannerusumilluunniit takissusilinnut
aalisarnermut akuersissutinut qinnuteqaatinut atuuttussatut killeqarpoq.

- 2. Saqqummiussissut malillugu aalisarsinnaanermut akuersissutinik
suliaqartarnermi allaffissornikkut aqutsineq immikkoortukkaartumik
kommuninut tunniussisoqartassaaq. Tamanna tunngavigalugu
Naalackersuisut tunniussinissap ingerlanneqarnissaa pillugu
sukumiinerusumik nassuiaaqquneqarput, tassani
takuneqarsinnaassallutik immikkoortukkaat ataasiakkaat,
piffissaliunneqartoq, suliap ingerlanerani immikkoortukkaani
angusarineqaratarsinnaasut/killiffioratarsinnaasut, akissaajaatit il.il.*

2-mut. Maannarpiaq kommunit ataasiakkaat innuttaasunut sullissiviini
innuttaasut aalisarnermut akuersissummik qinnuteqarsinnaaniassammata
qarasaasiatigut atortoq ineriartortitassap saniatigut
pilersaaruteqartoqanngikkallarpoq.

- 3. Apeqqutip aappaata malitsigisaanik oqaasertaliussat uku qanorpiaq
paasineqassanersut pillugit Naalackersuisut nassuiaaqquneqarput:
“Siunnersuut aqqutigalugu ukiup nikerinnerani tunniussinerup
sunniuteqalernissaa Naalackersuisunit ilimagineqarpoq, taamaalilluni
siunnersuut 1. januar 2017 piviusunngortillugu.” Tamatumani aamma
isiginiarneqarpoq nassuiaatini nalinginnaasuni taaneqarmat,
kommuninut tunniussinissamut malittarisassanik sukumiinerusunik
oqaasertaliinerit ilusiliinissarlu suli amigaatigineqartut.*

3-mut. Siunnersuut januaarip aallaqqaataani 2017-imi atuutilissasoq
saqqummiussissut innersuussivoq kommunillu ataasiakkaat innuttaasunut
sullissiviini innuttaasut aalisarnermut akuersissummik
qinnuteqarsinnaalersitsisoq qarasaasiatigut atortoq januaarip aallaqqaataani
2017-imi atuutilernissaa naatsorsuutigineqarluni.

- 4. Nassuiaatit nalinginnaasut malillugit qarasaasiakku aaqqissuussinerit
ineriartortinnissaanut ataasiartamik aningaasartuuteqartoqassaaq 1,3
mio. kr.-t missaasa nalinganut. Tamatumunnga atatillugu*

Naalackersuisunit paasissutissiissutigeqquneqarpoq: (a) kingornatigut atortuutit ingerlannissaannut aserfallatsaaliornissaannullu aningaasartuutit annertussusissaat, (b) kingornatigut ingerlannissaannut aserfallatsaaliornissaannullu aningaasartuutit kiap akilertassavai, (c) atortuutit ineriartortinnerinut, ingerlannerinut aserfallatsaaliinernulluunniit missingersuutinik qaangeeratarsinnaanerit qanoq akilerneqartassanersut, aamma (d) atortuutit ineriartortinnerisa naammassineqarnissaat atulernerqarnerallu qaqugu naatsorsuutigineqarsinnaanersaq.

4-mut.

a) Qarasaasiatigut atortoq nutaarluinnaq pineqarmat maannarpiaq ingerlatsinissamut aserfallatsaaliuinissamullu aningaasartuutit amerlassusaannik nalilersuisoqarsinnaanngikkallarpoq. Piniarnermut allagartallit pillugit paasissutissat aamma akuersissutinik pisassiissutinillu agguariaatsimi, LULI-mi, PIN-suliniutit atuuttut aserfallatsaaliornissaanut ukiumut 520.000 kr.-t immikkoortinneqartarput. Qarasaasiatigut atortup nutaap LULI tunngavigaa. Taakku ukiumut ingerlatsinissamut aserfallatsaaliuinissamullu aningaasartuutit aningaasaliissutinut immikkoortitanut qaangiissangatinneqanngillat.

b) Qarasaasiatigut atortup ingerlannissaanut aserfallatsaaliornissaanullu aningaasartuutit Aalisarnermut, Piniarnermut Nunalerinermullu Naalackersuisoqarfiup akilissavai.

c) Missingersuutit qaangerneqassagaluarpata qanoq akilerneqassanersut qaangiissutit amerlassusaat apeqqutaapput. Ilassutit aningaasaliissummik qinnuteqartoqarsinnaanera pineqarsinnaavoq. Taamaakkaluartoq missingersuutinik qaangiinerup annertussusaa qangalu pisimanersaq paasineqariarpata tamanna nalilersuinermik tunngaveqartariaqarpoq. Taamaakkaluartoq ingerlannissaanut aserfallatsaaliornissaanullu aningaasartuutit missingersuutinut qaangiinaveersarluni naapertuutsinniarneqartarnerat ersarissarneqassaaq.

d) Qarasaasiatigut atortup oktobari 2016-imi pilersinneqarnissaa naatsorsuutigineqarpoq taavalu misilittarnissaa kukkuniaarnissaalu siunertaralugit misilittaaffigalugu atorneqarallassalluni. Atuisuunernik ilinniartitsinissaq novembari 2016-imi aallartinneqassaaq, decembarilu paasissutissanik paasititsiniaanermut atorneqassaaq januaarip aallaqqaataani 2017-imi atulersinneqarsinnaaniassammat.

5. *Apeqqutit sisamaata malitsigisaanik Naalackersuisunit paasissutissiissutigeqquneqarpoq, qarasaasiakkt aaqqissuussinerit*

*ineriartortinneqarnerannut siunnersuutip uumma akuerineqarnera
apeqqutaatinneqassanersoq – tassungalu atatillugu aaqqissuussinerit
sunniuteqarluarnissaat naatsorsuutigineqarpat qitiusumik
aqutsisoqarfimmi qarasaasiakkut aaqqissuussinerit sutigut tamatigut
iluqaqutaasumik ineriartortinneqarsinnaanersut
atortuulersinneqarsinnaanersullu, ilanngullugulu nukissanik
sipaaruteqarsinnaanermut periarfissaqarsinnaaneq.*

5-imut. Inatsisissatut siunnersuummi qarasaasiatut atortoq piunasaqaatigineqanngilaq, pissutigalugu Aalisarnermut, Piniarnermut Nunalerinermullu Naalakkersuisoqarfiup 2012-imili qinnuteqaatit digitalinngorlugit tiguneqarsinnaasunngorlugit aaqqiissuteqartoqarnissaannik kissaateqarnikummata.

Aalisarnermut, Piniarnermut Nunalerinermullu Naalakkersuisoqarfiup innuttaasut 6 meterinik naannerusumilluunniit takissusilinnik angallatilinnut aalisarnermut akuersissutinut qinnuteqarnissaannut imminnut sullissinnaanissaanut, taakku piniarnermut allagartamik qinnuteqarnissamut imminut sullinnissamut aaqqiissutit marluk assigalugit, aaqqiissummik pilersitsinissaq kissaatigisimavaa. Paasinarsivoq aaqqiissut naammangikkallartoq, tassami kommunit taakku imminut sullississutit pissarsiarisinnaanngimmatigit. Imminut sullississummut piunasaqaat tassaasimavoq, kommunit inuussutissarsiornermut-NemID-mik, GER-inik CVR-inngortitsisinnaasariaqartumik, suliaqarsinnaanissaat. Taanna suliniut ukiut sisamat kingulliit ingerlaneranni naammassineqarnissaanut qanilleriarsimangilaq. Naalakkersuisoqatigiinnissamik isumaqatigiissummut atatillugu piunasaqaat digitaliseeriineq sukkatsisissimavaa, taamaammat Aalisarnermut, Piniarnermut Nunalerinermullu Naalakkersuisoqarfik qarasaasiatigut atortoq namminersortoq kommuninuinnaq atuuttusaq pilersissallugu aalajangersimavoq.

6. *Nassuiaatit nalinginnaasut malillugit kommuninut tamakkiisumik tunniussinissaq sulisunik atuinermik appararfussaaq, tamannalu 1-1,5 mio. kr.-t missaani naleqarnissaanik kinguneqassangatinneqarpoq. Tamanna tunngavigalugu Naalakkersuisunit nassuiaatigeqquneqarpoq, sipaaruteqarnissamut taamatut naatsorsuuteqarnermi Naalakkersuisoqarfiup naammagittaalliorfigineqarsinnaasutut inissinneqarnissaanik oqariartuuteqarnermut qanoq naapertuutsiginersoq, kiisalu akuersissutip ingerlaannaq naammassineqarsinnaannginnerani (imaakkunarmat) akuersissutinik qinnuteqaatit suli suliarineqarsinnaasasut.*

6-imut. Tamakkiisumik tunniussineq Aalisarnermut, Piniarnermut Nunalerinermullu Naalackersuisoqarfimmumut 1 - 1,5 milllionit kr.-nik sipaagaqarnissaa naatsorsuutigineqarpoq. Taamaakkaluartoq Aalisarnermut, Piniarnermut Nunalerinermullu Naalackersuisoqarfik naammagittaalliorfigineqarsinnaasutut inissittussaammat tamakkiisumik tunniussisoqassanngilaq, taamaammallu sipaakkat ikinnerunissaat naatsorsuutigineqarpoq. Naammagittaalliorfigineqarsinnaasunngortitsineq sipaakkat 10 procentiinit ikinnerusunik imaluunniit 100.000-iniit 150.000-nut kr.-t amerlaqataanik akeqassangatinneqarpoq.

7. Naalackersuisunit paasissutissiissutigeqquneqarpoq, kommuninut tamakkiisumik nuussineq Naalackersuisoqarfimmi sulisunut aalisarsinnaanermut akuersissutinik suliaqartarnermi sulianik maanna ingerlatsisuusartunut sunik sunniuteqassanersoq.

7-imut. Kommuninut tamakkiisumik tunniussineq isumaqarpoq, sulisut ullumikkut aalisarnermut akuersissutinik tunniussisarnermik suliaqartut ilaatigut Aalisarnermut, Piniarnermut Nunalerinermullu Naalackersuisoqarfimmi suliassanik allanik suliaqartassasut. Sulisut aalisarnermut akuersissutinik tunniussisarnermik nalinginnaasunik suliaqarunnaarneri eqqarsaatigalugu, sulisut ilaatigut Immikkut akuerineqarnissamik qinnuteqaatinik suliarinnittarsinnaapput, taamaaliornikkut tamassuma ingerlanera sukkanerulissaaq.

8. Nassuiaatit nalinginnaasut malillugit kommuninut tamakkiisumik tunniussinissap kommunimi sulisut amerleriarnissaannik kinguneqarnissaa naatsorsuutigineqarpoq, tamannalu sulisut pingasut ukiumut sulisinneqarnissaanik nalilik kommuninut naligiimmik agguarneqarnissaa naatsorsuutigineqarpoq. Tassunga atatillugu nunap siamasissusia isiginiassagaanni kiisalu Qeqqata Kommunianit aamma Kommuneqarfik Sermersuumit tusarniaanermi akissutit naapertorlugit Naalackersuisunit paasissutissiissutigeqquneqarpoq, sulisunik atuinissap soq naligiimmik agguarneqarnissaa naatsorsuutigineqarnersoq.

8-imut. Isumalluutinik atuneq kommunit akornanni naligiimmik agguaanissaq pineqanngilaq. Kommunalbestyrelsit aalisarnermut akuersissutinik allaffissornikkut ingerlatsinermi qanoq annertutigisumik suliakkerneqassanersut maannarpiatq maleruagassiortoqarsimanninnera pissutigalugu, kommunit akornanni agguaanissaq aalajangersarneqarsinnaanngilaq. Kommunit ataasiakkaat kommuninut allanik isumalluutinik atuineroratarsinnaapput. Akuersissutinik tunniussisarnermi isumalluutit pingaarnerit maannamut killiffigisaaniitsinnarnissaat naatsorsuutigineqarpoq.

9. *Nassuiaatit nalinginnaasut malillugit kommuninut tamakkiisumik tunniussineq kommunini sulianik ingerlatsisut amerlanerusut atorfinitsinneqarnissaannik kinguneqassasoq naatsorsuutigineqanngilaq. Naalackersuisunit nassuiaatigeqquneqarpoq, tamanna Qeqqata Kommunianit tusarniaanermi akissummut qanoq naapertuunnersoq, tassanimi kommuni naliliimmat, suliassaq "sulisumik (sulisunik amerlanerusunik)" pisariaqartitsiffiulersinnaasoq.*

9-imut. Aalisarnermut akuersissutinik tunniussisarnermut allaffissornerit kommuninut sisamanut agguanneqartussaanerit eqqarsaatigalugu, allaffissornermi suliassat amerlineri pissutigalugit sulisut killilimmik amerlineqarnissaat eqqarsaatigineqalissasoq Aalisarnermut, Piniarnermut Nunalerinermullu Naalackersuisoqarfik isumaqarpoq.

10. *Kalaallit Nunaanni Politiinit tusarniaanermi akissut naapertorlugu, kommunip akuersissutinik (assersuutigalugu qilalukkanut qernertanut) aqutsineranit misilittakkat takutissimavaat, akuttunngitsumik pisassiissutit qaangerneqartarnerat, akuersissutimmi pisassiissutinit amerlanerusut tunniunneqartarmata – peqatigitillugulu piffissaatillugu piniarnerup unitsinneqarnera nalunaarutigineqartarani. Naalackersuisunit nassuiaatigeqquneqarpoq, kommuninut aalisarsinnaanermut akuersissutit aqunneqarnerisa tunniunneqarnerinut atatillugu unammilligassat assingusut pilinnginnissaanut Naalackersuisut qanoq pitsaaliuilersaarnersut.*

10-imut. Piniarneq pillugu aamma aalisarneq pillugu maleruagassat assigiinngitsorujussuupput. Piniarnermut tunngasuni assersuutigalugu akuersissut qilalugarnissamut peqatigisaanillu arfermik ataatsimik pisaqarsinnaatitaanermik imaqarpoq, taamaammallu akuersissut pisassiissullu immikkoortinneqartanngillat. Tamanna isumaqarpoq, pisassiissutit nalunaarsukkat tamakkerneqarneranik nalunaarsorneqariarpata kommuninullu nalunaarutiginiarnerata piffissap iluani, kommunit akuersissutinik tunniussisinnaasut. Taakku akuersissutit arfermik ataatsimik pisaqarsinnaatitsimmata, pisassiissutit qaangerneqassapput. Aalisarnermut tunngasuni akuersissut aalisagaqatigiinnik aalajangersimasunik aalisarsinnaatitsivoq, kisianni akuersissut aalisakkanik aalajangersimasumik amerlassusilinnik aalisarsinnaatitsinngilaq. Akuersissutit pisassiissutillu immikkoortinneqartarmata, piniarnermut tunngasuni ajornartorsiutigineqartut aalisarnermi ajornartorsiutigineqarneq ajorput.

11. *Naalackersuisunit paasissutissiissutigeqquneqarpoq, siunnersuut Kalaallit Nunaanni Aalisarsinnaanermut Akuersissutinik Nakkutilliisoqarfimmu (KANUAANA-mut) soq tusarniaassutigineqarsimarpasinnginnersoq – tassungalu atatillugu siunnersuut pillugu KANUAANA arlaatigut oqaloqatigineqarsimanersoq, tamannalu qanoq inerniliiffigineqarsimanersoq.*

11-mut. Siunnersuut KANUAANA-mi tusarniutigineqarsimanngilaq, pissutigalugu KANUAANA qarasaasiakkut atortup ineriartortinneranut alisarnermullu akuersissutinik tunniussisarnerup kommuninut tunniunniarneqarneranut suliamut peqataammat.

Inussiarnersumik inuulluaqqusillunga

Nikolaj Jeremiassen

Aalisarnermut, Piniarnermut Nunalerinermullu Naalackersuisoq

Inatsisartut Nutserisoqarfianit nutsigaq

Nassiussisumit akuerineqanngilaq

Oversat af Inatsisartuts Tolkeafdeling

Ikke godkendt af afsender

Kommune Kujalleq

Postbox 514 – 3920 Qaqortoq

Aalisarnermut, Piniarnermut Nunalerinermullu ataatsimiititaliaq
Postboks 1060
3900 Nuuk
gimsing@inatsisartut.gl

Ulloq	J.nr.	Immikkoortortaqarfik	All.nr.
21-10-2016	72.02.00-A00-1-16	Erhv. og Arb.marked	1600825

Aalisarneq pillugu Inatsisartut inatsisaata allanngortinnera pillugu Inatsisartut inatsisissaattut siunnersuut (UKA 2016/123).

Aalisarneq pillugu Inatsisartut inatsisaata allanngortinnera pillugu Inatsisartut inatsisissaattut siunnersuut pillugu oqallinneq Kommune Kujalliup soqutigalugu malinnaaffigisimavaa, tamatumami kingorna akuersissutit suliarineqartarnerisa aqunneqarnerata kommuninut tunniunissaa periarfissaalissaaq. Ull. 1. Juli 2006 tusarniaanermik piffissaliussap kingorna inatsisissatut siunnersuut naqqissorqarsimavoq, taamaalilluni angallatinut 6 miiteri angullugu takissusilinnut killililineq atorunnaarsinneqarluni.

Inatsisissatut siunnersuut maanna saqqummiunneqartoq tunngavigalugu siullermeerinermilu oqallinneq tunngavigalugu kommuni nutaanik oqaaseqaatissanik saqqummiussissalluni pissutissaqarpoq:

Siunnersuummut tunngaviatigut teknikikkut marlussunnik amigaateqartoqartoq kommuni siullermik isumaqarpoq. Ersernerluppoq § 14, imm. 5-tut siunnersuutigineqartoq maanna atuuttumi § 14, imm. 5-imut taartaanersoq, imaluunniit aalajangersagaq nutaajulluinnarnerisooq, taamaalilluni 14, stk. 5 – 10 imm. 6-11-ngussalluni. Aappaattut “allaffissornikkut aqutsineq” ersernerluppoq

qanoq isumaqartinneqarnersoq. Tassami “allaffissorneq” aamma “aqutsineq” oqaasiummata marlut nalinginnaasumik assigiimmik isumallit.

Amigaatit taakku malitsigisaanik kommuni isumaqarpoq, aqutsinerup kommuninut tunniunneqarsinnaaneranut Naalakkersuisunut piginnaatitsinertut eqqarsaataasoq sinerissap qanittuani aalisarnermut akuersissutinut taamaallaat atuuttuunersoq imaluunniit taakkunungaannaangitsoq atuuttuunersoq ersernerluttuusoq. Akuersissutiliornermut gebyrimik Naalakkersuisut ullumikkut akiliisitsisarnerannik piginnaatinneqarneranni aqutsineq kommuninut nammagassanik suliassanillu agguataarinermi aamma malinnaatinneqassanersoq tulliatut ersernerluppoq. Ersernerlupportaaq qanoq iliorluni pissusiviusut tunngavigalugit akuersissutiliornerup kommuniniitinnissaa, pisassiissusiinerullu suli Naalakkersuisuniiginnarnissaa, akuersissutiliornermimi pisassat amerlanerpaaffissaat ilaatinneqarsinnaasarmat.

Pingajussaanic kommuni isumaqarpoq, akuersissutinik aqutsinerup kommuninut tunniunneqarnerisa malitsigisaanic aqutsinermik nammatassiinermi kommunit qanoq taarsiiffigineqassanersut siunnersuummi taaneqanngimmat naammaginangilluinnartuusoq. Suliassanik tunniussinermi Namminersorlutik Oqartussat aqutsinikkut sipaaruteqassapput, illuatungaaticullu kommunit sulisunik amerlanerusunik atorfinitsitsinissamut pisariaqartitsissapput, tamannalu soorunami kommuninut ataatsimoortumik tapiissutit annertusinerannik nassataqartariaqassaaq. Kommunip tigussaasumik maluginiarpaa, KANUKOKA-p Namminersorlutillu Oqartussat akornanni ataatsimoortumik tapiissutit pillugit isumaqatigiissutissatut missingiummi aalisarsinnaaneranut akuersissutinik aqutsinermik kommunip tigusinerani taarsiissuteqarnissaaq taaneqarsimanngitsoq.

Peqatigitillugu inatsisissatut siunnersuutip nassuiaatitaani takuneqarsinnaavoq, Namminersorlutik Oqartussat siunnersuutip saqqummiunneqarnerani suliassanik kommuninut tunniussinerup kingunerisassai Namminersorlutik Oqartussanilluunniit ilisimaneqanngitsut. Taamaalillutik Kommuneqarfik Sermersuumit tusarniaarnermit akissummut Naalakkersuisut oqaaseqaatiminni taasimavaat:

”Matumani allannguutissatut siunnersuut kisimi pineqarpoq, taannalu aqutugalugu naammattumik tunngaveqarnissaaq qulakkeerneqassaaq, taamaaliornikkut Naalakkersuisut akuersissutit tunniuttarneranni kommunalbestyrelsit aqutsinissaanic peqqusinnaassammaticik. Tamannalu pissutigalugu sulinerit sorliit kommuninut tunniunneqassanersut massakkorpiaq nassuiaaffigissallugit periarfissaqanngilaq.”

Nalornissut taannarpiaq pissutigalugu, APNN-ip sulissuteqarneraticut suleqatigiissitaaq pilersinneqarsimavoq, taannalu akuersissutinik suliaqartarnermi aqutsinerup siunissami qanoq aaqqissuunneqarnissaanic siunnersuusiussaaq. Suleqatigiissitap taassuma sulinini suli ingerlappaa, taamaattumik suleqatigiissitap suliamic suli naammassisaqannginnerani Naalakkersuisut piginnaatitsissummik Inatsisartunut qinnuteqarnerat tulluartutut isigineqanngilaq, allaffissornikkut aningaasaqarnikkullu kingunerisassai suli tamakkiisumik erseqqissarneqarsimannginnerat tunngavigalugu.

Sisamaattut kommunip ajornartorsiuterujussuaticut isigaa, siunnersuutikkut suliassat suut kommuninut tunniunneqarnissaanic naalakkersuisunut aalajangigassanngortinneqarmat. Tunngaviummik inatsimmi § 82 naapertorlugu kommunit namminerisamic ataasiakkarlutik

ingerlatsisuupput; taamaalillunilu kommunit suliaassanik sunik isumagisaqassanersut inatsisiliornikkut suliaassaavoq. Kommunip isumaa malillugu, killiliinngiivilluni najoqqutassaqaranilu suliaasaqarfimmik kommuninut tunniussineq tunngaviusumik inatsimmi § 82-imut naapertuutinngilaq, taamaattoqassappallu qanoq annertutigisumik suullu piunasaqaasiunneqassanersut.

Kiisalu kommuni tunngaviatigut isumaqarmat, akuersissutinik suliaqarnermi aqutsineq kommuninut tunniunneqassappat, aqutsinermi piginnaatitsineq tamarmi allaffissornikkullu nalilersuineq ullumikkut naalackersuisoqarfimmit ingerlanneqartartoq taamaallaallu allaffissornerinnakkut suliaassaannaangitsup kommuninut tunniuttariaqarneranik isumaqarnermi, sorpiaat kommuninut tunniunniarneqarnersut pillugit nalornissuteqarneq ulloq 27. september 2016 siullermeerinermi oqaaseqartartut oqaaseqataanni ersersinneqarmat. Kommuni taamaalilluni isumaqarpoq, sulianik ingerlatsineq Aalisarnermut Naalackersuisoqarfimmiiginnassappat akuersissutinik suliaqartarnermi kommuninut allaffissornerinnaap tunniutiinnarnissaa aqutsinermut tulluartsuussanngitsoq. Innuttaasunik sullissineq pitsaanerusoq taamaalilluni pilersinnaangilaq, akerlinganilli suliat ingerlanneqarnerinut allaffissorneq pisariaqanngikkaluaq pilertussaalluni.

Allakkap uuma assilinera uunga nassiuppara: APNN, att. Departementschef Jørgen Isak Olsen

Inussiarnersumik
(atsiorneq)

Simon Simonsen,
Ataatsimiititaliami siulittaasoq